



## SAKSPAPIR

| Saksnr  | Utval                               | Type | Dato       |
|---------|-------------------------------------|------|------------|
| 28/2020 | Formannskap/plan- og økonomiutvalet | PS   | 05.05.2020 |
|         | Kommunestyret                       | PS   |            |

| Sakshandsamar  | Arkiv                  | ArkivsakID |
|----------------|------------------------|------------|
| Atle Fasteland | FE-002, FE-026, TI-&10 | 20/526     |

### REGIONTILHØYRSLE FOR VAKSDAL KOMMUNE

#### Rådmannen sitt framlegg til vedtak:

Rådmann får politisk godkjenning til å starte samtaler med mål om å etablere fast tilhørsle for Vaksdal kommune i det interkommunale samarbeidet Region Nordhordland.

Når forslag til endeleg avtale er klar, vert denne å sende til politisk handsaming i Vaksdal kommune.

#### Formannskap/plan- og økonomiutvalet - Sak 28/2020

#### FPØ - Behandling:

#### Amalie Johnsen Lunde (H) la fram fellesforslag frå Sp, SV og Høgre:

Rådmann skal leggje fram for Kommunestyret ei utgreiing av dei ulike alternativa til regionalt samarbeid, der ein blant anna legg til grunn følgande momenter:

1. Kva moglegheiter ser ein i dei alternative samarbeidsalternativa?
2. Kva utfordringar ser ein i desse samarbeida?
3. Kva likheiter er det mellom dei geografiske og demografiske forholda i samarbeidskommunane.
4. Kva samarbeid har ein med dei einskilde kommunane i regionen frå før?

Ved røysting vart rådmannen sitt framlegg til vedtak sett opp mot fellesforslaget frå Sp, Sv og Høgre.

Fellesforslaget vart samrøystes vedteke.

#### FPØ - Tilråding/Vedtak:

Rådmann skal leggje fram for Kommunestyret ei utgreiing av dei ulike alternativa til regionalt samarbeid, der ein blant anna legg til grunn følgande momenter:

1. Kva moglegheiter ser ein i dei alternative samarbeidsalternativa?
2. Kva utfordringar ser ein i desse samarbeida?
3. Kva likheiter er det mellom dei geografiske og demografiske forholda i samarbeidskommunane.

#### 4. Kva samarbeid har ein med dei einskilte kommunane i regionen frå før?

##### **Saksopplysningar:**

Vaksdal kommune er ikkje med i eit etablert regionsamarbeid. Slike regionsamarbeid er etablert både i Hardanger og Nordhordland. Kommunen er plassert midt mellom Bergen, Voss/Hardanger og Nordhordland .

På nokre felt samhandlar ein tett med Voss. Legevakt, ØHD og sjukehus er døme på dette. Vidare har Vaksdal kommune naturleg nok hatt tett samarbeid med Voss om K5 prosjektet.

Vaksdal kommune er med i Bergensalliansen som er eit politisk samarbeidsorgan der ordførarane er med. Vi er og med i Etablerersenteret og Invest In Bergen som er retta mot næringsutvikling. I tillegg har vi har samarbeid rundt turisme gjennom deltaking i Fjord Norway og Visit Bergen.

På mange område er Bergen ein viktig samarbeidspart for oss. Samarbeid rundt brann og redning, beredskap, 110 sentral og IUA, felles innkjøpsordning, arbeidsgjevarkontroll, miljøretta helsevern, krisesenter, kunnskapsbyen med meir. I framtida kan rådmannen sjå for seg ein situasjon der vi til dømes må tenkje alternative organiseringar for barnevernet vårt. Her kan truleg både Bergen og Voss vere aktuelle alternativ.

Oppvekstsektoren er med i Midthordland skule- og barnehageregion med Bjørnafjorden, Samnanger, Tysnes og Austevoll.

Vaksdal kommune er med i IKTNH (Ikt drift) og Digitalisering og innovasjon. Vi er med i prosjekt innan alle sektorar t.d. Velferdsteknologiprojektet. Vi deltar også i Nordhordland Digitalt innan geodata, plan og forvaltning og delvis kommunalteknikk. Kommunen har i seinare tid slutta seg til Norhordland Biosfæreområde, der særleg bygdene langs fjorden og nord i kommunen har felles interesser og mogelegheiter. På nokre område har vi samarbeid med Modalen og/eller Osterøy, Alver og Masfjorden som også er med i Region Nordhordland.

Vaksdal kommune ligg slik til geografisk at det er og vil vere naturleg for oss å samarbeide i fleire retningar og det vil vi framleis kunne gjere. Likevel opplever rådmannen det som utfordrande at vi ikkje høyrer til eit etablert regionsamarbeid. Eit slikt samarbeid vil vere ein naturleg arena både for politisk og administrativ leiing å søkje råd i utfordrande tider og i saker der vi treng eit etablert samarbeidsforum. Dei siste vekene med korona-utfordringa er eit godt eksempel på at vi i Vaksdal har mangla nokre faste partar å drøfte felles problem med. Vi har så langt, etter rådmannen sitt skjønn, takla dei siste vekene godt i kommunen. Likevel ville det vore formålstenleg å kunne søkje råd i eit etablert samarbeidsorgan.

Det å støtte kvarandre og stå saman om viktige saker framover er nødvendig for å nå fram med våre synspunkt. I Nordhordland er det fleire mindre og mellomstore kommunar som saman har ei sterkere stemme både regionalt og nasjonalt. I både mindre og større saker som er viktige for kommunen kan ei slik støtte vera avgjerande for å nå fram. Til dømes opplever vi stadig større krav om regiontilknytning for å kunne søkje ulike tilskot frå regionale og statlege organ. I politiske saker ser vi at enkeltkommunar får god og viktig drahjelp frå regionen. Slik rådmannen ser åra frametter vil det

vere vanskeleg for oss å vere med der, utan å høyre til regionen.